



Planuar / Dateduar Propozuar / Propozito E përcaktuar / Detyruar	22-06	2021	1	viti god year
Organ / Objekti Organ / Zjedhimca Org / Objekt	In Prok Br Prok Prot No	Shtojca Prilog Appendix	Sasia Kohëzma Quantity	
SKUMSHICK	3263/2021		1/4	



Republika e Kosovës Republika Kosova – Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVO

A.nr.390/2021

Këshilli i Pavarur Mbikëqyrës për Shërbimin Civil të Kosovës-Kolegji për Shqyrtimin dhe Vendosjen e Ankesave, në përbërje nga: Jeton Koca-kryetar, Malsore Gashi-Bajraktari dhe Eshref Shabani-anëtarë dhe Avdyl Bektashi-Zyrtar i Lartë për Bashkëpunim Profesional në cilësinë e procesmbajtësit, ka shqyrtuar ankesën A.nr.390/2021 të datës 06.05.2021 të parashtruar nga ankuesi me adresë Rr.“Tirana”, Nr.57, Komuna e Prizrenit, kundër organit të punësimit/Administrata Tatimore e Kosovës, në çështjen juridike “vlerësim i rezultateve të punës”, duke vepruar në pajtim me nenin 6 paragrafin 1 nën paragrafin 1.1 dhe nenin 18 paragrafin 1 nën paragrafin 1.2 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, nenin 47 dhe 48 paragrafi 1 të Ligjit Nr.05/L-031 për Procedurën e Përgjithshme Administrative, në seancën për këshillim dhe votim të mbajtur me datë 22.06.2021, mori këtë:

V E N D I M

- I. Aprovohet si e bazuar ankesa A.nr.390/2021 e datës 06.05.2021 e parashtruar nga ankuesi
- II. Ndryshohet Formulari për Rivlerësimin e Rezultateve të Punës për vitin 2020, i datës 30.04.2021, lidhur me notën e përgjithshme të vlerësimit për ankuesin, nga nota mirë (2.59), në shumë mirë (3.6).
- III. Obligohet Drejtori i Përgjithshëm i Administratës Tatimore të Kosovës, që të zbatojë këtë vendim brenda afatit prej 15 ditësh, nga dita e pranimit të tij.
- IV. Këshilli i Pavarur Mbikëqyrës për Shërbimin Civil të Kosovës, duhet të njoftohet me shkrim pas ndërmarrjes së veprimeve në pajtim me këtë vendim.

A r s y e t i m

Ankuesi Drejtor Rajonal në Administratën Tatimore të Kosovës, me datë 06.05.2021 ka parashtruar ankesë me numër protokoli 2246/2021 të regjistruar me numër A.nr.390/2021 në Këshillin e Pavarur Mbikëqyrës për Shërbimin Civil, kundër rivlerësimit të rezultateve në punë për vitin 2020.

Kolegji për Shqyrtimin dhe Vendosjen e Ankesave, për vërtetimin e plotë dhe të drejtë të gjendjes faktike si dhe vendosjes në mënyrë meritore, ka administruar këto prova: Ankesën e ankuesit me

numër protokoli 2246/2021 të regjistruar me numër A.nr.390/2021 në Këshillin e Pavarur Mbikëqyrës për Shërbimin Civilë, kundër rivlerësimit të rezultateve në punë për vitin 2020; Ankesën e ankuesit me numër protokoli 1003/2011 të datës 05.03.2011 të parashtruar nga ankuesi në Këshillin e Pavarur Mbikëqyrës për Shërbimin Civil të Kosovës; Formularin për vlerësimin e rezultateve në punë të datës 08.02.2021; Formularin e rivlerësimit të rezultateve të punës të datës 30.04.2021; Listën e të hyrave tatimore dhe rimbursimeve; Raportin statistikor për vizita sipas inspektorit; Raporti statistikor për kontrollin sipas inspektorit; Përmbledhje e shkurtër për punën e bërë në vitin 2021 në Drejtorinë Regjionale Gjakovë; Plani i Punës me Rishikim për Vitin 2020; Plani i Rishikuar i punës për vitin 2020; Plani i të hyrave sipas periudhave dhe llojeve të tatimeve për vitin 2020; Plani i të hyrave për vitin 2020 sipas Drejtorive rajonale dhe DTM; Plani 2020 dhe krahasimi i të hyrave pas transferimit të bizneseve nga Rajonet në DTM dhe anasjelltas dhe planin 2019; Plani 2020 i të hyrave sipas muajve për Drejtorinë Rajonale dhe DTM; Plani 2020 i të hyrave sipas llojeve të tatimeve për Drejtorinë Rajonale dhe DTM; Pasqyra e të hyrave sipas llojeve të tatimeve 2018-2019 dhe 2019-2020; Pasqyra e të hyrave të realizuara sipas Drejtorive Rajonale dhe DTM të grupuara për vitin 2018-2020 dhe 2019-2020; Plani i kontrolleve për vitin 2020 dhe realizimin 2019; Plani i kontrolleve për vitin 2020 sipas muajve për Drejtorinë Rajonale dhe DTM; Plani i vizitave dhe aktiviteteve për vitin 2020 dhe plani 2019; Plani i shpërndarjes së vizitave/kontrolleve për vitin 2020; Plani i mbledhjes së borxheve tatimore për vitin 2020 në DTM dhe Rajone; Plani i mbledhjes së borxheve të kontributeve pensionale për vitin 2020-DTM dhe Rajone; Buxheti i planifikuar për vitin 2020; Projektet për vitin 2020; Akt Emërimit të datës 07.06.2018 të ankuesit; Formulari për planin individual të punës për periudhën janar-dhjetor 2019, janar-dhjetor 2020; E-maili i datës 24.01.2020, 28.01.2020, 20.09.2019, 03.02.2020, 07.02.2020, 30.01.2020, 20.02.2020, 28.02.2020, 19.05.2020, 21.05.2020, 01.06.2020, 08.06.2020, 11.06.2020, 17.06.2020, 15.07.2020, 03.08.2020, 04.08.2020, 04.08.2020, 11.08.2020, 12.08.2020; 13.08.2020, 27.08.2020, 28.08.2020, 22.09.2020, 02.10.2020, 14.10.2020, 21.01.2020, 29.10.2020, 09.11.2020, 10.11.2020, 11.11.2020, 20.11.2020, 19.11.2020, 03.12.2020, 21.12.2020 nga N.A; E-mailin e datës 07.02.2020, 02.12.2020 nga A.H; E-mailin e datës 19.02.2020 nga N.Sh; E-mailin e datës 20.11.2020 nga ankuesi dhe Përgjigjen në ankesë të datës 19.03.2021.

Kolegji për Shqyrtimin dhe Vendosjen e Ankesave, duke shqyrtuar të gjitha shkresat e lëndës të parashtruara nga palët, ka konstatuar se ankesa e ankuesit, **është e bazuar, sepse:**

Bazuar në shkresat e lëndës është konstatuar se Zëvendës Drejtori i Përgjithshëm i Operacioneve në Administratën Tatimore të Kosovës, në cilësinë e udhëheqësit të drejtpërdrejtë të ankuesit, me datë 08.02.2021 ka bërë vlerësimin e rezultateve në punë për vitin 2020 për ankuesin në cilësinë e Drejtorit të Drejtorisë Rajonale të ATK-së në Gjakovë, duke e vlerësuar të njëjtin me notën e përgjithshme mirë (2.59).

Ankuesi, i pakënaqur me këtë vlerësim, me datë 05.03.2021 ka parashtruar ankesë në Këshillin e Pavarur Mbikëqyrës për Shërbimin Civil të Kosovës, me pretendimin ankimor se vlerësimi i rezultateve në punë është bërë në kundërshtim me nenin 7, nenin 8 paragrafi 1 nën paragrafi 1.1 dhe 1.2 dhe nenin 10 të Rregullores Nr.21/2020 për Procedurën e Vlerësimit të Rezultateve në Punë të Nëpunësve Civil dhe Nëpunësve të Shërbimeve Publike. Me tutje ankuesi pretendon se vlerësimin lidhur me objektivat e punës nuk mbështetet në fakte të bazuar sepse sipas planeve dhe raporteve vjetore për vitin 2020 drejtoria që ka udhëhequr i njëjti ka arritur rezultate të larta dhe përmbushje të planeve të punës. Propozon që Këshilli të aprovoj ankesën si të bazuar duke

1082

ndryshuar vlerësimin e rezultateve të punës për vitin 2020 në pajtim me faktet e argumentuara lidhur me rezultatet e arritura në punë.

Këshilli i Pavarur Mbikëqyrës për Shërbimin Civil të Kosovës, me datë 19.04.2021, ka nxjerr Vendim A.nr.121/2021 me të cilin ka aprovuar ankesën e ankuesit të datës 05.03.2021 duke e anuluar vlerësimin e datës 11.02.2021 dhe duke e obliguar Zëvendës Drejtorin për Operacione të Përgjithshëm që brenda 15 ditësh të bëjë rivlerësimin e ankuesit.

Vlerësuesi, duke u bazuar në Vendimin A.nr.121/2021 të Këshillit të Pavarur Mbikëqyrës për Shërbimin Civil të Kosovës, më datë 30.04.2021 ka bërë rivlerësimin e ankuesit dhe përsëri të njëjtin e ka vlerësuar me notën e përgjithshme mirë (2.59).

Ankuesi, i pakënaqur me rivlerësimin, me datë 06.05.2021 ka parashtruar ankesë në Këshillin e Pavarur Mbikëqyrës për Shërbimin Civil të Kosovës, me pretendimin ankimor se rivlerësimi i rezultateve në punës është bërë në kundërshtim me legjislacionin në fuqi dhe është tendencioz dhe fyes. Me tutje ankuesi pretendon se vlerësimin lidhur me objektivat e punës nuk mbështetet në fakte të bazuar sepse sipas planeve dhe raporteve vjetore për vitin 2020 drejtoria që ka udhëhequr i njëjti ka arritur rezultate të larta dhe përmbushje të planeve të punës. Me tutje ankuesi propozon që Këshilli të aprovoj ankesën si të bazuar duke ndryshuar vlerësimin e rezultateve të punës për vitin 2020 në pajtim me faktet e argumentuara lidhur me rezultatet e arritura në punë.

Kolegji për Shqyrtimin dhe Vendosjen e Ankesave, lidhur me përmbushjen e objektivëve të punës nga ana e ankuesit, ka shqyrtuar Raportin për të Hyra dhe Aktivitete në teren për periudhën kohore janar-nëntor 2020 dhe si rrjedhojë duke u bazuar në këtë dokument, ka konstatuar se për Drejtorinë Rajonale të Gjakovës, për vitin 2020 kanë qenë të planifikuara 114 vizita ndërsa janë realizuar 329 vizita, që i bje 188.6% me shumë se vizitat e planifikuara. Lidhur me të hyrat, plani vjetor i planifikuar për Drejtorinë Rajonale të Gjakovës ka qenë 6.672,531 euro ndërsa janë realizuar 6.543,751 apo 102% e planit Vjetor. Ndërsa kontrolla tatimore për vitin 2020 kanë qenë të planifikuara 16 ndërsa janë realizuar 21, apo 131.3% të Planifikimit Vjetor.

Andaj, duke marr parasysh se ankuesi ka përmbushur dhe në disa raste ka tejkalluar objektivat e përcaktuara për vitin 2020, Kolegji konstaton se udhëheqësi i drejtpërdrejtë me rastin e ri vlerësimit të rezultateve të punës për ankuesin ka vepruar në kundërshtim me dispozitat e Rregullores Nr.21/2020 për Procedurën e Vlerësimit të Rezultateve në Punë të Nëpunësve Civil dhe Nëpunësve të Shërbimeve Publike, sepse vlerësimi i ankuesit nuk është konform rezultateve të arritura. Rrjedhimisht, Kolegji vlerëson se ka bazë për aprovim të ankesës, sa i përket notes së përgjithshme, dhe konstaton se me këtë vendim ndryshohet nota e përgjithshme e ankuesit për vitin 2020, nga nota mirë (2.59), në notën e përgjithshme shume mirë (3.6).

Andaj, duke marr parasysh të gjeturat si me lartë, si dhe duke u bazuar në nenin 18 paragrafin 1 nën paragrafin 1.2 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës, Kolegji vendosi si në dispozitiv të këtij Vendimit.

Vendimi hyn në fuqi ditën e nënshkrimit nga Kryetari i Kolegjit.

Këshillë juridike: Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë-Departamenti për Çështje Administrative, brenda afatit prej tridhjetë (30) ditësh, nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi.

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
Lënda me numër A.nr.390/2021

Avdyl BEKTESHI



Zyrtar i Lartë për Bashkëpunim Profesional



Jeton KOCA
Kryetar i Kolegjit

Vendimi i dërgohet:

- Ankuesit
- Drejtorit të Përgjithshëm të Administratës Tatimore të Kosovës;
- Udhëheqësit të Personelit në Administratën Tatimore të Kosovës; dhe
- Arkivit të KPMSHCK-së.

